

中國方志叢書
· 華中地方 · 第七三九號

據

清·馮蘭森等修、陳卿雲等纂
清同治九年刊本

影印

江 西 省

上高縣志

(四)

成文出版社有限公司印行

中華民國七十八年三月臺一版

上高縣志

共四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

重修上高縣志卷十一

知縣事歸安馮蘭森纂輯

藝文志 記

明

重修學宮記

王綱 邑人

古之爲治者未有不以興學立賢爲先務蓋學校禮義相先之地人材所自出王政之本也洪惟太祖高皇帝龍飛淮甸奄有萬方內建大學以來天下之英賢外設府州縣學以育民間之俊秀三代之風萬古一見列聖相承崇儒重道衣冠

禮樂之教渢渢乎固已超越漢唐宋元矣上高之學其來已久中間興廢則在於令之賢否焉正統紀元大尹華容嚴公肅來令斯邑下車初見廟貌卑陋頽圯顧瞻徘徊慨然以作新爲己任計工度材四境響應廟堂廊廡齋舍廚庫庖湍莫不煥新聖賢儀像凜然聳觀學者誦其詩讀其書想像其儀容氣象而有得焉其所以爲聖爲賢者不在茲乎是役也用力久而民不以爲勞用財廣而民不以爲費皆賢令尹之措置有方以善養人而民樂於爲善故事集而民不擾也掌教四明馮蒞揖予而言曰方今爲教官者以科貢得人爲稱上

高學自宣德以來五舉乏人及大尹嚴公視政之後勤於勸勉辛酉科得一人章彪甲子科又得一人章泰謂非賢令尹作興不可也公夙居方面知學校之興在於提調得人尹之用心如此而其效之甚速又如此願記其事以示將來使後之令斯邑者知所重而學校人材源源不已予謂自古治道之盛衰視學之興廢何如耳大尹之爲政惟學校爲先務可謂知所本矣使上高之士相與揖讓乎其中而敦實行焉人材之盛邦家之光胥在是矣故爲之紀其事以示焉

重修學宮記

黃景邑人

上高儒學負敖峰迎錦水蒙末聳翠金石浮玉山川映帶秀
麗如染學宮肇宋元豐五年穎濱先生有記區域廣袤具載
圖誌歷歲因循民居侵其西偏數百餘年日滋以偏矧禮殿
明倫堂率因元制卑猥脫畧旣弗稱我朝尊崇

先聖之意又不足以紓暢豪傑襟抱有識者閔焉成化乙未
臬僉五羊陳公騏戾止諸生抱邑志以訴公素剛明刻日復
其地衡若干丈從倍之命邑令謝綱作新焉丙申十月建大
成殿於左方高五十尺廣與高等遂如廣之數立明倫堂於
右方其規制殿高則五殺二廣遠五踰四未畢功而用卽匱

逾再朞而棟欲撓官守迭代過者興喟歲丙午督學憲副姚
江馮公蘭至邑環視太息爰命邑令吳興張君疊扶其顛而
備其缺於是陶甓周殿以防其欹而門廡庖庫齋館庭廨以
次井然規制備而等殺明回視前功益爲人所欽仰矣教諭
海陽蔡公澤謀紀其蹟於貞珉以傳不朽屬予記之竊惟學
宮之建獻馘飲射古道尙矣我朝明古道以教人列聖相承
益崇聖道廟祀禮樂視天子之制養士取士惟斯道爲的學
校人材陋漢唐宋元而追蹤三代矣猗歟休哉夫地靈人傑
古有是言也上高山水秀發前代皆有聞人後俊生長於斯

而願學孔子者拜秋陽之皞皞覩新宮之翼翼仰前哲之遙遙盍思所以自強而以其道見諸行哉抑有告焉上高江右中邑耳凡有興作當酌材力以制用使其可繼則善也是學前後歷十三載營度經十數人費計百億始克卒事亦可謂艱矣後之留意於此者宜致思焉是爲記

重修儒學射圃記

李春邑人

聖祖建極詔天下府州縣學立射圃有司朔望謁

先聖升堂講經畢率諸生事射禮然絳文盛而真意衰日趨於弛始廢而興者歸安張侯元器再廢而興者江寧王侯興

學練以垣樹以松構以堂百爾器數咸備教諭郭君泗訓導
何君源潘君密請勒石以示不朽乃屬春爲記惟時華林山
寇未靖而侯爲是舉蓋可與知道者言也夫階之爲亂庶頑
譏說之弗忠弗直古人侯明捷記將欲容體比禮節奏比樂
丙正外直而悍逆暴戾之氣於焉潛消德行成俗謀閉不興
皆是基之也自斯圃旣成華林底謚雖不敢誣以速化之功
然修教伐崇因壘而降或者其在茲乎噫使敖之士力行不
倦真意不衰豈曰文事武備將復三代全材而雍容揖讓之
風亦克行于一邑而追之隆古未艾也春謹執筆以俟

改建便民倉記

簡沛邑人

上高縣有倉曰便民貯常賦也官督於斯民輸於斯便乎民亦便乎官也舊時倉在石家埠距縣十五里路遙野曠賦貯無定倉日就頽法日就弛於是有侵漁之弊逋賦之民期既迫督檄交馳民無完膚官無完名不便實甚蓋病於是倉之廢故也歸安陸侯時雍來蒞吾邑竊憂之延市隙地併義倉故址爲改便民倉計下告吾民市材興工經畫周悉又恐勞民傷財贖輕犯以助厥費選耆民介者司財而官無與焉再踰月告成中爲廳扁曰孚義後爲退食所四圍爲廩七十二

外各負垣虛其前楹以防風雨之患方經始曰侯與民更新
隨糧定則及期輸納者絡繹惟恐後嗣今官無催科之勞民
無胥徒之擾皆侯賜也侯惠吾民至哉時丞則廬江夏子仕
琦幕則安陸劉子綬與有力焉教諭阮子浩訓導潘子昂丁
子璫咸謂廢政修仁澤著法典彰常賦克宿弊革官用節民
力省有七善焉可傳矣因以文屬沛沛惟侯明而果廉而仁
凡可以便吾民者心靡不盡蓋匪一倉然也侯惠吾民至哉
遂述其事爲記嘉靖三年十二月朔旦記

劉誠意伯祠記

僉都御史 虞守愚 義烏人

明誠意伯劉公基括蒼人也元丞瑞之高安多惠政及民
不能忘入祀名宦祠歲嘉靖丙午夏許守仁卿考公丞時有
上高曾法興者善占術公嘗借觀其書興遠器之盡以原本
相付公遂得其要用以相我太祖定天下如平陳張二大寇
皆用公言不勞餘力謂非觀象之助不可也而其授實自高
安始似宜表而出之乃謀特祀以請用卜鳳凰山東勝地建
祠於上堂三間門稱之左右廊房周圍墻垣咸備前壯石坊
一座以昭祠額費約幾二百乃節縮造橋餘貲原出義助者
經始七月近九月工完將諏日遷主於其中時守廵李大發

鎬孫憲副雲贊成其美偕請余言以識余曰茲舉也其得禮
之意歟禮曰法施於民則祀之以勞定國則祀之夫公以觀
象之法佐帝業之成勞孰大焉況祭反始也以特爲敬祠焉
祀之禮也非諂也但云法始書授恐非深知公者公知我太
祖天命之正必能蒞中國撫四夷乃從而獻身効謀其識見
已豫定矣安知其於借書之前初無所得耶余以爲公所得
者天啟之也天無言而實有意意所示者象也象見諸上必
其感諸下者有以先之也非德合天地者固不足以動天心
非志氣如神者又惡能洞燭其微哉是故俯察仰觀卽其事

以推之事屬協應無或爽者蓋天與人歸自有不期而默契者矣有不世之君必有名世之佐非天而何雖然書與人遇或者數過時可天機於此少露乎否則藏於興家久矣何待公始受之書可授而妙不可得余故曰天啟之也恐後或泥焉不得不表而出之若其祀之名宦民之懷也存之不爲瀆也奚以遷爲是記

重修架閣庫記

陸時雍
邑令

嘉靖甲申春余由癸未初選奉命來令茲邑力綿任重恒懼弗勝更諸廢有待旦夕執掌一日稽察縣歲積幾何以審盈

縮入而顧宇歲久頽倚木如蠶食土封四圍湫隘齷齪而金帛籍鈔錯處無別守者卧襲與之相連律諸泉府重典殆有愧焉竊思國家設庫置守所以聚民財而給公用也今若此焉用令爲哉且上高無城守而萑苻竊發萬一疎虞厥負惟深怏怏未釋適邑有富民江某以訟至縣訊已董之勸之江卽怡然以應木石陶瓦工役諸費舉聽自用而屬民罔聞乃撤去朽腐因其地爲屋者三規制宏敞視昔有加周豎以石防火盜也下襲以板遠濕潤也豎宇舍屋之南嚴扃鑰也內列棚三區以貯羣物便查閱也外鍊鐵棖闌謹出入也肇功

於是年九月九日十月十日事竣之期也落成日僚屬夏君
士琦初至與司邑教阮君浩潘君昂丁君猷相顧喜而屬余
曰是役也官民不與知而聚財之地人恃以無恐君其書於
石以俟來者余莞爾而言曰斯固有司事也奚以異奚以書
雖然信而後勞廉潔易辱夫人避是名而後得此書也吾去
而民無以是累吾則幸矣第民義不可泯敢書石以紀歲月
云爾

重修石城記

吳學詩 邑人

夫政因也因有三蓋天地人云易言天險不可升也地險山

川邛陵於王公則言設險是天地自爲險也而王公設之設
非自創也惟天地是因則人險天地之險孰先孰後天地非
人孰因人非天地孰因夫因基者易因墟者難因羸者易因
訕者難因有形者易因無形者難以因訕之民而當因墟之
勢以舉羸之繁費而責之以累簣之積功而紛之以未萌之
釁而重之以將熾之形此非區區之見所可議也必有達識
之士以身橫塞其衝而後能挾其民以辦天下之大事分疆
畫寓能以蒼赤之命請命於天地而終絜其城郭以分之而
民恃以無恐上高古上蔡鎮故無城後改爲邑因陋就簡卒